



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sulpici[i] Severi Presbyteri Opera Omnia

Sulpicius <Severus>

Amstelodami, 1665

Semigar Iudex.

urn:nbn:de:hbz:466:1-11490

enim rege Moabitarum devicti, duodeviginti annis servierunt, donec ¹ instinctu Dei, ² Adon, regem hostium ³ dolo interemit, contractoque tumultuario exercitu libertatem ⁴ armis vindicavit. Idem ⁴ per LXXX. annos in pace Hebræis præfuit.

¹ XLVII. Huic ⁵ SEMIGAR successit: hicque ⁶ adversus, Allophylos ⁷ congressus, * secundum eventum prælium fecit. Rursum

altera Hebræorum servitus.

¹ *Instinctu Dei.*] Et hac ratione excusatur Regicidium ejus. Deus enim eum suscitaverat, ut dicitur Iud. 3. 15. Dei jussus efficit ne in exemplum hoc trahi possit, ubi talis Dei jussus non est. Non magis quam quod Abraham de filio jussus est facere, & quod Israëlita res Ægyptiorum abstulere. Brutus qui Cæsarem occidit, paris videtur fuisse animi; sed ei ut divinum imperium, ita & successus defuit. *Grot.*

² *Adon.*] Corruptum ex Aod, id est, A'od, quod hodie in editione Romana Sed & in Hieronymo. Veritas Scripturæ Ahod, videlicet in Ebræo אהוד, quod nunc legunt Ehud. Alibi est Aoth, & in Polycratice Ajoth, lib. 8. cap. 20. Salmanticensis: Anno mundi 2573: cepit Ahod, qui judicavit Israël 80. annis. Hi anni finiunt in anno mundi 2653. Drusius. Iosepho, Ἰσθης. Et vero nomen hoc & origine & significatione convenit cum Iuda; ideoque à quibusdam Aod exponitur confitens & laudans, ab *Origen.* Homil. 4. Laus.

³ *Dolo interemit.*] Secreti colloquii copia postulata, ipsum manu sinistra, qua æque utebatur ac dextra, peremit: deinde cæcis Moabitarum x. millibus, populum in libertatem vindicavit. Vide *Iosephum* lib. 5. 5. Qui dicit: ἀπὸ τῆς δεξιᾶς αὐτῶν ὁ Ἰσθης εἰς τὴν καρδίαν. Quod falsum. Nam Scriptura exertim, in ventre cæsum. *Horn.* Aod hostem potius interemit, quam populi rectorem Tyrannum. *Thomas.*

⁴ *Per LXXX. annos.*] Usque ad LXXX. annum à morte Othonielis, quo mor-

tuus est Aod successor ejus. Quare in his LXXX. annis includuntur XVII. anni servitutis Moabiticæ. Quis enim credat Aod LXXX. annis præfuisse Israël, totidemque annis nullum in Israël fuisse bellum? *Eusebius.* Alii.

⁵ *Semigar successit.*] Samgar filius Anath. Iud. 3. 31. In editione Rom. σαμεργα, & apud Iosephum σαμίζαρο, putarim scribendum σαμίζαρο. Legitur & Semegar in Origine. De hoc scribit Iosephus quod primo imperii sui, vel potius judicatus, anno, mortem obierit. Salmanticensis, Samgar præfuit anno uno. R. Iose, In diebus Ahod erat Samgar filius Anath, in fine dierum ejus. Eodem tractu temporis, videlicet in diebus Eglonis, accidit historia Ruth. Drusius. Hunc Eusebius omittit. Et omittitur Iudicum 4. Quia non plene servavit Israël, nec errantes in viam reduxit. Vide Camium. Mentio Sangar & Iud. 5. 6. Quærendum etiam an Semgar judex fuerit. Si servare Israël, & Iudicem esse convertuntur, tum ἀναφί (ᾧ τῶν) Judex fuit, & Israël rex. *Drusius ad Jud.*

⁶ *Adversus Allophylos.*] Id est, Philisthæos, quos ἀλλοφύλλοι Græci vocant, id est, alienigenas, nomine generis ad certam speciem revocato. ita passim interpretes LXX. *Drus.* Quia alius originis, & ut videtur, linguæ Palæstini à Chananæis, ideo ad distinctionem vocantur ἀλλοφύλλοι. Quasi ὄλλο dicas. Sicut Gen. 14. ὄλλο ἰλλο. *Horn.*

⁷ *Congressus.*] Per se solus, ait *Abulensis*, non per socios, ut *Lyra* vult. Percussit de Philistim sexcentos viros vomere,

Rursumque Hebræos sectantes idola, rex ¹ Chananaeorum, ² Jabin nomine, subjugavit, gravissimamque in eos ³ per xx. annos dominationem exercuit: donec pristinum ⁴ DEB-
BORA mulier statum reddidit. Adeo nihil spei in eorum
ducibus erat, ut ⁵ muliebri auxilio defenderentur. Quanquam ⁴
hæc * in typum Ecclesiæ forma præmissa sit, cujus auxilio
capti-

mere, Iud. 3. vs. 31. Videtur dux fuisse rusticorum quorundam, qui stimulis boum usi sunt cum armis destituerentur. מַלְמַד proprie baculus stimuli, ut מַלְמַדֵּי culpis in summitate baculi. LXX. ἐν τῷ δρόστῳ ἢ βοῶν. Aliquot editiones ἐν τῷ δρόστῳ ποδῶν. Drusus ad Jud. Videtur irruentibus Philistæis ab aratro, arrepto vomere, profiliisse ad pugnam, uti etiamnum faciunt Hungari, irruentibus Turcis, & olim fecerunt Hispani, ingruentibus Mauris: in cujus rei signum etiamnum rustici Hispani, dum arant, gladiati incedunt, quasi parati ad resistendum hosti repente invadenti. Sic ab aratro ad Dictaturam vocati præci Romanorum Heroës, Camillus, Curius, Cincinnatus, Fabricius. Plinius 18. Viri & milites strenuissimi ex agricolis gignuntur.

* Secundum eventum.] Magis placet, secundo eventum: ut, secundo prælio repulit Allophylos, & crebra deinde prælia secundo eventum habuit: &, secundo eventum perempto rege, gentem imperio adiungit. Rursum, victores secundo prælio Allophyli. Drusus.

¹ Chananaeorum.] Qui eladem & fugam evaserunt Chananaei, in gentem haud modicam, supina Israëlitarum negligentia, coaluerunt.

² Jabin.] Iud. 4. Ioseph. 5. 6. Hic erat ex posteris Iabin illius, cujus meminit liber Iosue cap. 11. 1. sedes regni Hasor, quæ à Iosue combusta, videtur postea reparata fuisse. Aut per Hasor intelligit agrum ejus. Vide R. David. ad Iud. 4. Et tum sedes fuerit Harferoth, urbs Sylvestris. מַרְסַרְתִּים enim Aramæis Sylvam notat, unde conjiciunt in Sylva illa

fuisse arces validas Chananaeorum. Drusus ad Iud.

³ Per xx. annos.] Qui annumerantur annis Debora. Nam ipsa durante adhuc servitute, judicavit Israël. Non quod Princeps populi fuerit, ut Ambrosi & Hieron. affirmant, sed quod lites nonnullas, absque jurisdictione, sola prophetia componeret. Abulens. Cajetan. Arias.

⁴ Debora mulier.] Δεβώρα, quod apem sonat, & est antiqua lectio pro Debora, ut Messias, quod nunc legunt & scribunt Mesia, id est, מִשְׁיָחָא. Coepit judicare Israël anno mundi 1654. videlicet anno post Semigar. Non tantum Iudex erat, sed etiam Prophetes.

Drusus. Fuit uxor Lapidoth, γυνὴ Λαπίδοθ. Eum Ebraei putant fuisse Barac, in quo significatio fulguris. Nec alienum ab eo vox לפיר, quæ saepe de fulgure usurpatur. Sed obstat huic opinioni, quod Barac aliunde advocavit. Nam si maritus ejus fuisset, simul habitassent. Ideo in Medras exponitur, mulier lychnaria, quod lychnos, id est, לפיר conficeret, ad usum Sanctuarii. R. Salomo. R. David. Lyra.

⁵ Muliebri auxilio.] Paulinus: Fœmineas quoque personas virtute virili

Induit alma Fides: mulier qua sancta peremit

Terribilem Sisayam transfixum tempora palo.

Ambros. lib. de viduis: Ad provocandos animos fœminarum, fœmina judicavit, fœmina disposuit, fœmina prophetavit, fœmina triumphavit, & præliaribus intermixta copia, imperio viros docuit militare fami-